

Reduccion di cada decibel,

Un stap positivo den direccion di cuida di e oido

WEEKEND cu a caba di pasa, Aruba por a experencia su prome parada di Carnaval. Un parada dedica na creatividad y fantasia di nos muchanan.

Den cuadro di e conseho duna di parti Departamento di Salud Publico di Aruba (DVG) pa cu cuida y proteccion di e oido. DVG por informa di a tuma nota di un cambio den direccion positivo for di companianan di zonido den e parada di diadomingo. Den pasado e nivel di zonido den parada tawata marca rond di 115 db pa minuut, diadomingo por bisa cu mayoria compania di zonido den e parada a marca entre 90 cu 102db maximo na momento di a wordo midi.

A pesar cu e conseho di DVG den su linea di maneho pa cu zonido ta menciona cu pa den parada ta conseha maximo 90db na un distancia di 10 meter, DVG ta mira cu companianan di zonido a haci esfuerso pa cuminsa reduci e db, nan a demostra di por y tambe kier uni na e causa pa yuda cuida e oido.

DVG conhuntamente cu demas stakeholder ta encurasha comunidad tambe pa sigui bisti nan earplugs. Reduccion di e decibel so no ta suficiente, ta rekeri tambe accion di doño di curpa pa bisti su earplug y pa mayornan percursa cu nan



muchanan tin nan earpluggan bisti na eventonan musical.

Di parti DVG nos ta gradici companianan di zonido y nan tecnonan pa a cuminsa cu reduccion di e zonido y ta encurasha nan pa sigui haci esaki na tur parada te ora nos logra e meta di 90db maximo. Tur cambio ta tuma tempo, pero cu stapnan chikito y boluntad grandi nos por logra un maneho di zonido saludabel, agradabel y sigur pa un y tur.

Rene su dushi wega

'RENE su dushi wega' ta un buki nobo pa mucha y e ta e ultimo publicacion di Ruthy Vrieswijk-Bergen. 'Lady Ruth' a pasa bishita directora di biblioteca, sra. Astrid Britten, ayera mainta pa haci un entrega oficial.

Biblioteca a haya 5 ehemplar pa por comparti cu tur mucha. Un ehemplar ta bay pa e coleccion nacional. 'Rene su dushi wega' a keda ilustra pa artista visual Irene Peterson. Produccion a keda subsidia pa UNOCA.

Pa 'Lady Ruth' esaki ta su prome buki pa mucha na Papiamento. Rene ta core riba su bais blauw den cas y ta hunga cu diferente coy hunga. Ora caba Rene ta ruim op tambe. Bon mucha!

Ruthy Vrieswijk-Bergen sa participa den diferente proyecto di contamento di storia di biblioteca. Tanto pa mucha como pa Adulto mayor.

[Entrevista cu Lady Ruthy](#)



<https://www.bibliotecanacional.aw/pages/alegria-di-ruthy-poema-2-2/>

<https://www.bibliotecanacional.aw/pages/conta-cuenta-ta-continua>